

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1379

原始資料: 蕭鎮國大德提供, 北美某大德提供

No. 1379

佛說大愛陀羅尼經

西天譯經三藏朝散大夫試光祿卿明教大師臣法賢奉 詔譯

如是我聞。一時佛在舍衛國祇樹給孤獨園。時有海神名曰大愛。來詣佛所到佛所已。頭面著地禮佛雙足。却住一面而白佛言。世尊我有所願利益眾生。惟佛哀愍許我宣說。

爾時世尊知大愛心有大利益。而告之曰善哉善哉。汝為利益隨汝意說。

爾時大愛蒙佛聽許。而白佛言。我與眷屬住於大海。多見眾生陷於海難。愍念此等欲說陀羅尼。令彼海難無能為害。世尊若有善男子善女人乃至苾芻苾芻尼優婆塞優婆夷等。聞此陀羅尼讀誦受持。及得聞我與眷屬等名者。所有大海一切危難悉皆解脫。爾時大愛承佛威力。即說陀羅尼曰。

怛[寧*也](切身)他(引一)祖嚕祖嚕(二)吐蘭達哩(引三)摩賀(引)謗哥悉體(二合)帝(引四)酤(引)儻瑟哥(二合引)儻瑟計(二合五)阿那護(六)撈鉢黎(引七)祖嚕祖嚕(八)三滿多跋捺哩(二合引九)阿屹儻(二合)作訖哩(二合引十)作訖囉(二合)多朗(十一)補囉儻儻(引)娑嚕(二合引)賀(引十二)

爾時大愛海神承佛聖旨。說此陀羅尼已。歡喜踊躍禮佛而退。

佛說大愛陀羅尼經